

**PHILIPS**

**AVENT**



SCD841  
SCD843  
SCD845



**Manuali i përdorimit**

# Përmbajtja

Hyrje.....	4
Përshkrim i përgjithshëm .....	4
Informacion i rëndësishëm sigurie.....	5
E RËNDËSISHME.....	5
Përgatitja për përdorim .....	8
Njësia e foshnjës.....	8
Njësia e prindit.....	8
Përdorimi i monitorit të foshnjës.....	9
Lidhja e njësive të prindit me njësinë e foshnjës.....	9
Pozicionimi i monitorit të foshnjës.....	11
Funksionet dhe cilësimet.....	13
Volumi .....	13
Ndriçimi .....	13
Dritat e nivelit të zërit.....	14
Modalitetet.....	14
Drita e natës .....	17
Ninullat .....	18
Dhënia.....	20
Veçoritë e menysë.....	21
Kapësja e rripit .....	26
Pastrimi dhe mirëmbajtja .....	26
Vendruajtja .....	27
Porositja e aksesorëve .....	27
Riciklimi.....	28
Informacione mjedisore .....	28
Hiqeni baterinë e integruar.....	28
Mbështetja.....	29
Pyetjet e shpeshta .....	29
Montimi në mur .....	35



# Hyrje

Urime për blerjen dhe mirë se vini pranë Philips Avent! Për të përfituar plotësisht nga mbështetja që ofron "Philips Avent", regjistroni produktin në faqen [www.philips.com/welcome](http://www.philips.com/welcome).

Videomonitori i foshnjës "Philips Avent" ju ofron mbështetje gjatë gjithë ditës dhe ju mundëson ta shikoni fëmijën ditën dhe natën nga kudo që të ndodheni në shtëpi. Teknologjia e fundit elektronike garanton zë të qartë dhe figurën më të qartë për foshnjë tuaj. Kjo ju jep një ndjesi më të lartë sigurie pa qenë nevoja të hyni në dhomën e foshnjës duke i trazuar gjumin.

## Përshkrim i përgjithshëm

- 1 Njësia e prindit
- 2 Dritat e nivelit të zërit
- 3 Ekрани
- 4 Drita ECO
- 5 Drita e gjendjes së baterisë
- 6 Drita e lidhjes
- 7 Altoparlanti
- 8 Butoni i komandimit (shfletimi në meny/volumi/ndriçimi)
- 9 Butoni i menysë
- 10 Butoni i ninullës
- 11 Butoni i dhënies
- 12 Mikrofoli
- 13 Foleja për ushqyesin elektrik
- 14 Butoni i modalitetit
- 15 Butoni i ndezjes/fikjes
- 16 Antena
- 17 Kapësja e rripit
- 18 Njësia e foshnjës
- 19 Kamera
- 20 Drita e ndezjes
- 21 Butoni i aktivizimit/çaktivizimit të ninullës
- 22 Drita e natës
- 23 Mikrofoli
- 24 Butoni i ndezjes/fikjes së dritës së natës
- 25 Niveluesi i aktivizimit/çaktivizimit
- 26 Antena
- 27 Altoparlanti
- 28 Foleja për fishën e vogël
- 29 Sensori i temperaturës
- 30 Vrimat e montimit në mur
- 31 Ushqyesi (2x)

# Informacion i rëndësishëm sigurie

Lexoni me kujdes këtë informacion të rëndësishëm përpara se ta vini në punë pajisjen dhe ruajeni për referencë në të ardhmen.

## E RËNDËSISHME

**Ky monitor foshnje synohet për përdorim ndihmës. Nuk zëvendëson mbikëqyrjen e përgjegjshme dhe të duhur të të rriturit dhe nuk duhet përdorur me qëllime të tilla.**

Mos e lini kurrë foshnjën vetëm në shtëpi. Sigurohuni gjithnjë që të jetë dikush i pranishëm për t'u kujdesur për foshnjën dhe për t'iu përgjigjur nevojave të saj.

### Klauzolë

Vini re se këtë monitor foshnje e përdorni me përgjegjësinë tuaj. Koninklijke Philips N.V. dhe filialet e saj nuk janë përgjegjëse për funksionimin e këtij monitori foshnjash ose përdorimin e tij nga ana juaj dhe për këtë arsye nuk marrin përsipër asnjë detyrim në lidhje me përdorimin e këtij monitori foshnjash nga ana juaj.

### Rrezik

- Mos zhysni kurrë asnjë pjesë të monitorit të foshnjës në ujë apo në lëngje të tjera. Mos e vini pajisjen aty ku mund të pikohet apo laget nga uji apo lëngje të tjera. Mos e përdorni monitorin e foshnjës në vende me lagështirë apo pranë ujit.
- Mos i vendosni kurrë sende përsipër monitorit të foshnjës dhe mos e mbulononi. Mos ia bllokoni vrimat e mundshme të ajrimit. Instaloheni në përputhje me udhëzimet e prodhuesit.
- Kordonët përbëjnë rrezik mbytjeje. Mbajini kordonët larg fëmijëve (mbi 1 metër/3,5 këmbë larg). Mos e vendosni kurrë monitorin e foshnjës brenda shtratit apo këndit të foshnjës.



**Paralajmërim: Rrezik mbytjeje – Fëmijët janë MBYTUR me kordonë. Mbajeni këtë kordon larg vendeve ku mund të arrihet nga fëmijët (mbi 3 ft (0,9 m) larg). Mos e hiqni këtë etiketë.**

## Paralajmërim

- Kontrolloni nëse voltazhi i përcaktuar në ushqyes përkon me voltazhin e linjës lokale përpara se ta vini në punë pajisjen.
- Mos i modifikoni apo prisni pjesët e ushqyesit dhe të kordonit të tij, pasi kjo shkakton situata të rrezikshme.
- Përdorni vetëm ushqyesin e dhënë.
- Nëse ushqyesi është i dëmtuar, ndërrojeni gjithnjë me një tip origjinal për të shmangur rrezikun.
- Kjo pajisje mund të përdoret nga fëmijë të moshës 8 vjeç e lart dhe nga persona me aftësi të kufizuara fizike, ndijuese ose mendore, apo që kanë mungesë përvojë dhe njohurish vetëm nëse ata mbikëqyren ose udhëzohen për përdorimin e sigurt të pajisjeve dhe nëse kuptojnë rreziqet e përfshira. Fëmijët nuk duhet të luajnë me pajisjen. Pastrimi dhe mirëmbajtja nga përdoruesi nuk duhen kryer nga fëmijët pa qenë të mbikëqyrrur.
- Mbrojeni kordonin elektrik nga shkelja apo përkulja, sidomos te spinat, pikat e kapjes dhe pika nga ku dalin nga pajisja.
- Sigurohuni ta vendosni monitorin e foshnjës në mënyrë të atillë që kordoni të mos pengojë dyert apo vendkalimet. Nëse e vendosni monitorin e foshnjës në tryezë apo në mobilie të ulët, mos e lini kordonin elektrik të varet nga tryeza apo mobilia. Sigurohuni që kordoni të mos rrijë në dysheme ku përbën rrezik pengimi.
- Mbajini materialet e paketimit (qese plastike, tako kartoni etj.) larg vendeve ku mund të arrihen nga fëmijët, pasi nuk janë lodra.
- Për të parandaluar elektrohokun, mos e hapni kasën e njësisë së foshnjës apo të prindit.

## Udhëzimet e sigurisë për baterinë

- Përdoreni këtë produkt vetëm për qëllimin e synuar. Lexojeni këtë informacion me kujdes përpara se të përdorni produktin dhe bateritë e aksesoret e tij, dhe ruajeni për referencë në të ardhmen. Keqpërdorimi mund të shkaktojë rreziqe dhe lëndime të rënda. Aksesoret e ofruar mund të ndryshojnë për produkte të ndryshme.
- Përdorni vetëm aksesore origjinale dhe pjesë konsumi nga Philips. Përdorni vetëm serinë ASSA105x-050100 (x = B ose E) ose serinë PSAC05x-050L6 (x = E ose K) të njësisë së heqshme të furnizimit.
- Karikojeni, përdoreni dhe ruajeni produktin në temperaturë midis 0°C dhe 40°C.
- Mbajini produktin dhe bateritë larg zjarrit dhe mos i ekspozoni drejtpërdrejt në dritën e diellit apo ndaj temperaturave të larta.
- Nëse produkti mbinxehet, lëshon erë, ndryshon ngjyrë ose nëse karikimi zgjat më shumë se zakonisht, ndërpriteni përdorimin dhe karikimin e produktit dhe kontaktoni me Philips.
- Mos i vendosni produktet dhe bateritë e tyre në furra me mikrovalë apo në vatra induksioni.
- Mos e hapni, modifikoni, shponi, dëmtoni apo çmontoni produktin apo baterinë për të parandaluar nxehjen e baterive apo çlirimin e substancave toksike ose të rrezikshme. Mos u krijoni lidhje të shkurtër, mos i mbikarikoni dhe mos i karikoni në pole të kundërta bateritë.

- Nëse bateritë dëmtohen apo pikojnë, shmangeni kontaktin me lëkurën ose sytë. Nëse ju ndodh diçka e tillë, shpëljajini mirë me ujë dhe kërkoni kujdesin mjekësor.

### **Kujdes**

- Mos e instaloni pajisjen pranë burimeve të nxehtësisë si p.sh. radiatorë, rezistenca, soba apo aparate të tjera (duke përfshirë amplifikatorët) që lëshojnë nxehtësi.
- Sigurohuni që t'i keni të thata duart kur përdorni ushqyes, spina dhe kordonin elektrik.
- Të gjitha shenjat e kërkua mbi njësinë e foshnjës, të prindit dhe ushqyes ndodhen në fund të njësisë së foshnjës, të prindit dhe ushqyesit.

### **Deklarata e konformitetit**


Nëpërmjet këtij dokumenti, "Philips Consumer Lifestyle B.V." deklaron se ky produkt është në pajtim me kërkesat thelbësore dhe dispozitat përkatëse të Direktivës 2014/53/BE. Një kopje e deklaratës së konformitetit (DoC) ofrohet në internet te [www.philips.com/support](http://www.philips.com/support).

### **Pajtueshmëria me EMF**

Ky produkt është në përputhje me të gjitha standardet dhe rregulloret në fuqi për ekspozimin ndaj fushave elektromagnetike.

# Përgatitja për përdorim

## Njësia e foshnjës




Vendoseni ushqyesin në njësinë e foshnjës dhe adaptorin në prizë.

## Njësia e prindit


Njësia e prindit punon me bateri të integruar e të karikueshme me jone litiumi.

Ndiqni hapat e mëposhtëm për karikimin e njësisë së prindit:




**1** Vendoseni ushqyesin në njësinë e prindit dhe adaptorin në prizë.

- Drita e gjendjes së baterisë ndizet në portokalli për të treguar se pajisja po karikohet.




- Kur pajisja është karikuar plotësisht, drita e gjendjes së baterisë qëndron vazhdimisht e ndezur në ngjyrë të gjelbër.



- Kur e karikoni njësinë e prindit për 3 orë, ajo mund të përdoret pa kordon për përafërsisht 10 orë në modalitetin "ECO".
- Nëse njësia e prindit ndizet gjatë karikimit, karikimi merr afro dy herë më shumë.





- Kur bateria e karikueshme e njësisë së prindit është thuajse shkarkuar, drita e gjendjes së baterisë bëhet e kuqe dhe njësia e prindit tingëllon.
- Nëse bateria është shkarkuar tërësisht dhe njësia e prindit nuk është e lidhur në prizë, njësia e prindit fiket automatikisht dhe humbet kontaktin me njësinë e foshnjës.

Shënim: Bateria e integruar e karikueshme nuk mund të hiqet nga produkti.


Shënim: Bateria shkarkohet gradualisht dhe shumë ngadalë, edhe nëse njësia e prindit është e fikur.

Këshillë: Për të kursyer baterinë, fikeni njësinë e prindit kur nuk e përdorni.


Shënim: Ju këshillojmë ta mbani njësinë e prindit të lidhur në prizë gjatë gjithë natës. Nëse bateria e prindit bie gjatë natës, njësia e prindit tingëllon dhe kjo mund t'ju zgjojë nga gjumi.

## Përdorimi i monitorit të foshnjës

### Lidhja e njësisë së prindit me njësinë e foshnjës




- 1 Shtypni niveluesin e aktivizim/çaktivizimit të njësisë së foshnjë për lart në pozicionin "ON".




- 2 Kur ndizet njësia e foshnjës, drita e ndezjes në njësinë e foshnjës ndizet në të gjelbër.

Shënim: Drita e ndezjes në njësinë e foshnjës ndizet gjithmonë në ngjyrë të gjelbër, edhe kur nuk është e lidhur me njësinë e prindit.




- 3 Sigurohuni që njësia e prindit dhe njësia e foshnjës të jenë të paktën 2,5 metra/8,2 këmbë larg njëra-tjetrës për të shmangur jehonën.




- 4 Shtypni butonin e ndezjes/fikjes së njësisë së prindit për 1 sekondë për të ndezur njësinë e prindit.



- Ekranin ndizet, shfaqet figura e lidhjes në ekran dhe drita e lidhjes ndizet në të kuqe. Njësia e prindit fillon të kërkojë për njësinë e foshnjës.



- Kur njësia e prindit është e lidhur me njësinë e foshnjës, drita e lidhjes ndizet në të gjelbër në njësinë e prindit dhe një a më shumë shirita shfaqen në ekran.




**Shënim:** Duhet më pak se 10 sekonda për të krijuar lidhjen midis njësisë së prindit dhe njësisë së foshnjës.


- Kur njësia e foshnjës është e fikur, njësia e prindit tregon figurën jashtë rrezes. Sigurohuni që njësia e foshnjës të jetë e ndezur.
- Nëse nuk krijohet lidhje, drita e lidhjes bëhet e kuqe, njësia e prindit tingëllon me tri sinjale të shkurtra çdo 20 sekonda dhe në ekran shfaqet figura jashtë rrezes.

## Pozicionimi i monitorit të foshnjës

**Paralajmërim:** Kordoni i njësisë së foshnjës përbën një rrezik të mundshëm mbytjeje. Sigurohuni që njësia e foshnjës dhe kordoni të jenë të paktën 1 metër / 3.5 ft larg foshnjës. Mos e vendosni kurrë monitorin e foshnjës brenda shtratit apo këndit të foshnjës.




- 1 Për pikasje optimale të zërit, sigurohuni që njësia e foshnjës të jetë jo më larg se 1.5 metra / 5 ft nga foshnja. Sigurohuni që njësia e foshnjës të jetë të paktën 1 metër / 3.5 ft larg foshnjës për shkak të rrezikut për mbytje.



- 2 Vendoseni njësinë e prindit brenda rrezes së punës së njësisë së foshnjës. Sigurohuni që të jetë të paktën 2.5 metra / 8.2 ft larg njësisë së foshnjës për të shmangur jehonën.

Shënim: Nëse përdorni telefon pa kordon, video me valë, rrjet Wi-Fi, furrë me mikrovalë ose Bluetooth në 2,4 GHz dhe keni interferencë në njësinë e prindit apo të foshnjës, zhvendoseni njësinë e prindit derisa të mos ketë më interferencë.




- 3 Ka dy mënyra për të pozicionuar njësinë e foshnjës:
  - a Vendoseni gjithnjë njësinë e foshnjës mbi një sipërfaqe të qëndrueshme, të niveluar dhe horizontale.


- b Montojeni njësinë e foshnjës me vida në mur.

Këshillë: Shablloni i montimit në mur (shihni "Montimi në mur") për montimin e njësisë së foshnjës në mur mund të gjendet në fund të këtij manuali përdorimi.


Këshillë: Përdorni shabllonin e dhënë për të shënuar vendndodhjen e saktë të vrimave të vidave në mur.

Këshillë: Pozicionojeni njësinë e foshnjës në një nivel më të lartë për të marrë një pamje më të mirë të shtratit ose të këndit të foshnjës.





Vendoseni njësinë e foshnjës në një mënyrë që garanton shikueshmërinë më të mirë të foshnjës. Njësia e foshnjës mund të rotullohet për ta pozicionuar në mënyrën e dëshiruar.



### Rrezja e funksionimit

Rrezja e funksionimit është deri në 50 metra / 165 ft brenda dhe 300 metra / 985 ft jashtë. Rrezja e funksionimit e monitorit të foshnjës luhet në varësi të rrethinave dhe faktorëve që mund të shkaktojnë interferencë. Materialet e lagura dhe të njoma mund të shkaktojnë interferencë të atillë që humbja e sinjalit të jetë deri në 100 %.

#### Materiale të thata

#### Trashësia e materialeve


#### Humbja e rrezes

Dru, suva, karton, xham (pa metal, tela apo plumb)	< 30 cm (12 in)	0-10 %
Tullë, kompensatë	< 30 cm (12 in)	5-35 %
Beton arme	< 30 cm (12 in)	30-100 %
Rrjeta ose shufra metalike	< 1 cm (0,4 in)	90-100 %
Fletë metalike ose alumini	< 1 cm (0,4 in)	100 %

# Funksionet dhe cilësimet

## Volumi

Mund ta rregulloni volumin e altoparlantit të njësisë së prindit në nivelin që dëshironi.



- 1 Shtypni pjesën e sipërme ose të poshtme të butonit të komandimit për rregullimin e volumit.



**Këshillë:** Sigurohuni që volumi të përshtatet me kushtet aktuale. Në kushte zhurme mund të aktivizoni dhe sinjalizimin me dridhje.


Shiriti i volumit shfaqet në ekran për të treguar volumin e zgjedhur.

**Shënim:** Nëse volumi caktohet në nivel të lartë, njësia e prindit konsumon më shumë energji.

**Shënim:** Kur shiriti i volumit është në minimum, volumi çaktivizohet. Njësia e prindit tregon një ikonë çaktivizimi të zërit në shiritin e statusit dhe do të merrni vetëm sinjalizime dhe video nga njësia e prindit.

## Ndriçimi

Mund ta rregulloni ndriçimin e ekranit të njësisë së prindit në nivelin që dëshironi.



- 1 Shtypni pjesën e majtë ose të djathtë të butonit të komandimit për të rregulluar ndriçimin e ekranit të njësisë së prindit.



Shiriti i ndriçimit shfaqet në ekran për të treguar ndriçimin e zgjedhur.


**Shënim:** Nëse ndriçimi caktohet në nivel të lartë, njësia e prindit konsumon më shumë energji.

## Dritat e nivelit të zërit

Njësia e prindit monitoron në mënyrë të vazhdueshme nivelin e zërit në dhomën e foshnjës dhe dritat e nivelit të zërit në njësinë e prindit ju tregojnë nëse ka ndonjë të kapur në dhomën e foshnjës.




Për sa kohë që nuk diktohet asnjë zë, dritat e nivelit të zërit janë të fikura.



Kur njësia e foshnjës kap një zë, atëherë një ose më shumë nga dritat e nivelit të zërit ndizen në ngjyrë të gjelbër në njësinë e prindit. Numri i dritave të ndizen varet nga lartësia e zërit/tingullit të kapur nga njësia e foshnjës. Sa më të lartë ta ketë zërin foshnja kur qan, aq më shumë drita të nivelit të zërit ndizen në ngjyrë të gjelbër.

## Modalitetet


Ky monitor foshnjash ka katër modalitete të ndryshme që ju lejojnë të zgjidhni se si dëshironi ta monitoroni fëmijën: "VIDEO", "AUDIO", "VOX" dhe "ECO".



Me monitorin e foshnjës të ndezur, mund të ndërroni mes këtyre 4 modaliteteve të ndryshme duke shtypur butonin e modalitetit në anën e njësisë së prindit.

Ekrani tregon modalitetin e zgjedhur. Modaliteti i zgjedhur tregohet edhe në shiritin e statusit. Kur e ndizni pajisjen, modaliteti i përdorur i fundit do të jetë aktiv.

### Modaliteti VIDEO



Shtypni butonin e modalitetit në anën e njësisë së prindit për të zgjedhur modalitetin VIDEO.



Kur aktivizohet modaliteti VIDEO, ekrani është gjithnjë aktiv, që të mund të shihni foshnjën. Të gjithë zërat transmetohen drejtpërdrejt te njësia e prindit.

Shënim: Caktojini nivelin e ndjeshmërisë në "shumë i lartë" për të pasur zë pa ndërprerje në njësinë e prindit. Shihni kapitullin "Niveli i ndjeshmërisë" për më shumë informacion.




Nëse foshnja qan, drita e nivelit të zërit ndizet në ngjyrë të gjelbër. Për sa kohë që nuk diktohet asnjë zë, dritat e nivelit të zërit janë të fikura.

## Modaliteti AUDIO




- 1 Shtypni butonin e modalitetit në anën e njësisë së prindit për të kaluar në modalitetin AUDIO.



Kur aktivizohet modaliteti AUDIO, ekrani i njësisë së prindit fiket. Pas 3 sekondash ekrani fiket tërësisht dhe shiriti i statusit zhduket.

Shënim: Shiriti i statusit nuk duket me ekranin të fikur.



Shënim: Drita e lidhjes tregon se njësia e prindit është ende e ndezur dhe e lidhur me njësinë e foshnjës.

Shënim: Kur niveli i ndjeshmërisë nuk është caktuar te "shumë i lartë", zërat e ulët nuk do të dëgjohen.

Shënim: Caktojeni nivelin e ndjeshmërisë në "shumë i lartë" për të pasur zë pa ndërprerje në njësinë e prindit. Shihni kapitullin "Niveli i ndjeshmërisë" për më shumë informacion.


Të gjithë zërat transmetohen vazhdimisht te njësia e prindit. Nëse foshnja qan, ekranin e njësisë së prindit është ende i fikur, por dritat e nivelit të zërit ndizen në ngjyrë të gjelbër dhe zërat e diktuar nga njësia e foshnjës transmetohen te njësia e prindit. Për sa kohë që nuk diktohet asnjë zë, dritat e nivelit të zërit janë të fikura.

## Modaliteti VOX



- 1 Shtypni butonin e modalitetit në anën e njësisë së prindit për të kaluar në modalitetin VOX.

Shënim: Kur ekranin është i ndezur, modaliteti i zgjedhur shfaqet në shiritin e statusit. Shiriti i statusit nuk duket me ekranin të fikur.



Kur aktivizohet modaliteti VOX, ekranin dhe zëri i njësisë së prindit fiket, nëse nuk haset zë për 20 sekonda.



Kur njësia e foshnjës dikton zë, ekranin dhe zëri i njësisë së prindit ndizen menjëherë. Zëri transmetohet në njësinë e prindit dhe dritat e nivelit të zërit ndizen në ngjyrë të gjelbër. Për sa kohë që nuk diktohet asnjë zë, dritat e nivelit të zërit janë të fikura.

Shënim: Niveli minimal për aktivizimin e zërit dhe të ekranit përcaktohet nga cilësimi i ndjeshmërisë.



## Modaliteti "ECO"




- 1 Shtypni butonin e modalitetit në anën e njësisë së prindit për të kaluar në modalitetin ECO.

Shënim: Kur ekrani është i ndezur, modaliteti i zgjedhur është i dukshëm në shiritin e statusit. Shiriti i statusit nuk duket me ekranin të fikur.




Kur aktivizohet modaliteti ECO, ekrani dhe zëri i njësisë së prindit fiken, nëse nuk haset zë për 20 sekonda. Drita ECO ndizet në të gjelbër për të treguar se është aktivizuar modaliteti ECO. Gjatë modalitetit ECO çaktivizohen ekrani dhe transmetimet e zërit.




Kur njësia e foshnjës dikton zë, ekrani dhe zëri i njësisë së prindit ndizen menjëherë. Zëri transmetohet në njësinë e prindit dhe dritat e nivelit të zërit ndizen në ngjyrë të gjelbër. Për sa kohë që nuk diktohet asnjë zë, dritat e nivelit të zërit janë të fikura.

Shënim: Niveli minimal për aktivizimin e zërit dhe të ekranit përcaktohet nga cilësimi i ndjeshmërisë.

## Drita e natës




- 1 Shtypni butonin e ndezjes/fikjes së dritës së natës te njësia e foshnjës për të aktivizuar funksionin e dritës së natës.



Drita e natës në njësinë e foshnjës ndizet.

Shënim: Kontrolli i dritës së natës nuk është i mundur nga njësia e prindit. Drita e natës mund të ndizet ose të fiket vetëm në njësinë e foshnjës.




- 2 Shtypni përsëri butonin e ndezjes/fikjes së dritës së natës për ta fikur dritën e natës.

## Ninullat

Mund të aktivizoni funksionin e ninullës ose nga njësia e prindit ose në njësinë e foshnjës.


Për të aktivizuar funksionin e ninullës nga njësia e prindit, ndiqni udhëzimet e mëposhtme:

### Zgjedhja e ninullës



- 1 Shtypni butonin e ninullës në njësinë e prindit për të hapur menyën e ninullave.

Shënim: Nëse shtypni butonin e ninullës ndërkohë që menya e ninullës ende e hapur, menya do të mbyllet.



- 2 Shtypni pjesën e djathtë të butonit të komandimit për të hyrë në listën e ninullave



- 3 Shtypni pjesën e sipërme ose të poshtme të butonit të komandimit për të shfletuar listën e ninullave.



- 4 Për të luajtur një ninullë specifike, shtypni pjesën e djathtë të butonit të komandimit. Nëse dëshironi ta vendosni ninullën në pauzë, shtypni sërish pjesën e djathtë të butonit të komandimit.
- 5 Shirti i statusit të njësisë së prindit tregon numrin e ninullave që luhen dhe përsëriten.




Ninulla fillon të luajë në njësinë e foshnjës dhe përsëritet vazhdimisht për rreth 15 minuta.

Këshillë: Për të përsëritur të gjitha këngët e ofruara, zgjidhni opsionin e fundit në listë.




- 6 Për të zgjedhur një ninullë tjetër, lëvizni lart ose poshtë me butonin e komandimit për të zgjedhur një këngë tjetër nga lista. Shtypni pjesën e djathtë të butonit të komandimit për të nisur këngën e zgjedhur.
- 7 Për ta ndërprerë ninullën, shtypni butonin e ninullës në njësinë e prindit dhe ndalojeni këngën që po luhet duke shtypur edhe një herë pjesën e djathtë të butonit të komandimit.


## Volumi i ninullës



- 1 Shtypni butonin e ninullës dhe pastaj shtypni fundin e butonit të komandimit për të zgjedhur opsionet e volumit të menysë së ninullës. Shtypni pjesën e djathtë të butonit të komandimit për të hapur volumet e ninullave.



- 2 Shtypni pjesën e sipërme ose të poshtme të butonit të komandimit për rregullimin e volumit.



Për të aktivizuar funksionin e ninullës nga njësia e foshnjës, shtypni butonin e aktivizimit/çaktivizimit të ninullës në njësinë e foshnjës.



Ninulla e zgjedhur e fundit në njësinë e prindit fillon të luajë në njësinë e foshnjës dhe përsëritet vazhdimisht për rreth 15 minuta. Për ta ndaluar ninullën në njësinë e foshnjës, shtypni butonin e ndezjes/fikjes së ninullës në njësinë e foshnjës.

## Dhënia



Mund të përdorni butonin e dhënies në njësinë e prindit për t'i folur foshnjës.

- 1 Shtypni e mbani butonin e dhënies në njësinë e prindit.
- 2 Flisni qartë në mikrofonin përpara njësisë së prindit nga një distancë midis 15-30cm /0.5-1ft.

Për sa kohë që shtypet butoni i dhënies, ka një lidhje të hapur zëri me njësinë e foshnjës. Ekranin e njësisë së prindit tregon ikonën e dhënies, duke treguar lidhjen aktive.




**3** Lëshojeni butonin e dhënies pasi të keni mbaruar së foluri.

Shënim: Për sa kohë që shtypet butoni i përgjigjes, njësia e prandit nuk mund të përpunojë zërat që vijnë nga njësia e foshnjës.


## Veçoritë e menysë

Të gjitha veçoritë e përshkuara në seksionet në vijim mund të përdoren nëpërmjet menysë në njësinë e prandit.



**1** Shtypni butonin e menysë për t'u futur te menya.

Shënim: Nëse e shtypni sërish butonin e menysë, do të dilni nga menya.



**2** Përdorni butonin e komandimit për të lundruar nëpër meny. Zëri i zgjedhur i menysë theksohet në ngjyrë të purpurt.

Shënim: Nëse jeni tashmë në një nga nënmenytë dhe dëshironi të kaloni midis veçorive të menysë, shtypni pjesën e majtë të butonit të komandimit për t'u kthyer në menynë kryesore.


**3** Shtypni pjesën e sipërme ose të poshtme të butonit të komandimit për të shfletuar midis zërave të ndryshëm të menysë.




Shtypni butonin e menynë kur jeni duke lundruar midis veçorive të menysë dhe nuk dëshironi të ruani ndonjë ndryshim. Do të dilni nga menya pa ndryshuar asnjë nga cilësimet.

Shënim: Nëse jeni në meny por nuk shtypni asnjë buton për 5 sekonda, menya do të mbyllet pa i ruajtur cilësimet e ndryshuara.

## Fokusi



- 1 Shtypni pjesën e djathtë të butonit të komandimit për të hyrë në menynë e fokusit.




- 2 Shtypni pjesën e poshtme të butonit të komandimit për të aktivizuar funksionin e fokusit.



- 3 Për të përshtatur imazhin e videos shtypni pjesën e djathtë të butonit të komandimit. Tani mund të zgjidhni pjesën lart/poshtë/djathtas/majtas të butonit të komandimit për zgjedhur imazhin që do të shfaqet në njësinë e prindit.
- 4 Shtypni butonin e menysë për të ruajtur këtë rregullim të ri. Imazhi ruhet automatikisht pas 5 sekondash.
- 5 Shkoni në menynë e fokusit dhe çaktivizoni funksionin e fokusit, nëse dëshironi të zvogëloni imazhin në njësinë e prindit.


## Ndjeshmëria

Niveli i ndjeshmërisë e njësisë së foshnjës përcakton se çfarë dëgjoni përmes njësisë së prindit. Kur niveli caktohet i lartë, do të dëgjoni shumë zëra, duke përfshirë tingujt e lehtë në sfond. Kur niveli i ndjeshmërisë caktohet i ulët, do të dëgjoni vetëm zërat më të lartë.2



- 1 Shtypni pjesën e djathtë të butonit të komandimit për të hapur nivelet e ndjeshmërisë.

Shënim: Nëse e shtypni sërish pjesën e majtë të butonit të komandimit, do të dilni nga menya.



- 2 Shtypni pjesën e sipërme ose të poshtme të butonit të komandimit për nivelin e dëshiruar të ndjeshmërisë.



Nëse fëmija juaj bën vetëm zëra të lehtë, ndjeshmëria e njësisë së foshnjës duhet caktuar e lartë në njësinë e prindit.




Sa më lart dëgjohet foshnja, aq më ulët mund ta caktoni ndjeshmërinë në njësinë e prindit.

**Shënim:** Në modalitetin AUDIO dhe VIDEO, do të keni zë pa ndërprerje kur niveli i ndjeshmërisë të jetë caktuar "shumë i lartë". Përndryshe, zërat e ulët do të heshten.


**Këshillë:** Niveli i ndjeshmërisë mund të rregullohet në mënyrë që të mund ta dëgjoni gjithmonë foshnjën pa ndërprerje nga zëra të tjerë. Nëse ka shumë zhurmë sfondi, uleni edhe më ndjeshmërinë që të mos i dëgjoni këta zëra përmes njësisë së prindit.

- 3 Shtypni pjesën e majtë të butonit të komandimit për ta ruajtur rregullimin e ri dhe për t'u kthyer te menyja kryesore.

## Dridhja



- 1 Shtypni pjesën e djathtë të butonit të komandimit për të hapur opsionet e dridhjes.



## 2 Ekzistojnë tre opsione për dridhjen:

- a "Ndezur nëse audioja është çaktivizuar": Kur volumi është caktuar në minimum (pa zë), njësia e prindit do të dridhet kur nga njësia e foshnjës të diktohet zë mbi nivelin e ndjeshmërisë.
- b "Gjithmonë ndezur": Njësia e prindit do të dridhet gjithmonë kur nga njësia e foshnjës të diktohet zë mbi nivelin e ndjeshmërisë.
- c "Fikur": Njësia e prindit nuk do të dridhet asnjëherë.


Kur dridhja është e aktivizuar, njësia e prindit dridhet kur foshnja qan ose kur lëshon zëra, sipas nivelit të ndjeshmërisë që keni zgjedhur. Njësia e prindit gjithashtu dridhet kur sinjalizimi i temperaturës është i aktivizuar dhe arrihet një temperaturë minimale ose maksimale, apo kur njësia e prindit humbet lidhjen me njësinë e foshnjës.

## 3 Shtypni pjesën e majtë të butonit të komandimit për ta ruajtur rregullimin e ri dhe për t'u kthyer te menyuja kryesore.

## Temperatura

Sensori i temperaturës ju mundëson të monitoroni temperaturën në dhomën e foshnjës suaj.


Shënim: Temperatura aktuale në dhomën e foshnjës tregohet në shiritin e statusit të njësinë së prindit.



## 1 Shtypni pjesën e djathtë të butonit të komandimit për të hapur opsionet e temperaturës.


Këshillë: Ju mund ta ndryshoni njësinë e temperaturës nga gradë C (Celsius) në gradë F (Fahrenheit) duke zgjedhur opsionin e njësisë.

Këshillë: Sigurohuni që sensori i temperaturës të mos jetë vendosur shumë pranë burimeve që mund të ndikojnë në saktësinë e tij, p.sh. ngrohëse, prizë kondicioneri, ventilator ose dritare.




## 2 Sinjalizimi për temperaturën mund të aktivizohet ose të çaktivizohet në menyën e temperaturës.





- 3 Ju mund të zgjidhni opsionin e sinjalizimit për të aktivizuar sinjalizimin. Për të ndryshuar temperaturën minimale dhe maksimale të sinjalizimit për temperaturën, zgjidhni temperaturat që dëshironi të "max" dhe "min" në menyën e temperaturës.




- 4 Shtypni pjesën e majtë të butonit të komandimit për ta ruajtur rregullimin e ri dhe për t'u kthyer te menyja kryesore.




- 5 Njësia e prindit e shfaq këtë sinjalizim kur arrihen ose tejkalohen temperaturat e zgjedhura.

## Gjuha




- 1 Shtypni pjesën e djathtë të butonit të komandimit për të hyrë te lista e gjuhëve.
- 2 Shtypni pjesën e sipërme ose të poshtme të butonit të komandimit për të zgjedhur gjuhën që dëshironi.



- 3 Shtypni pjesën e majtë të butonit të komandimit për ta ruajtur rregullimin e ri dhe për t'u kthyer te menyja kryesore.


## Kapësja e rripit



Njësinë e prindit mund ta merrni me vete brenda dhe jashtë shtëpisë duke e lidhur njësinë e prindit në brez apo rrip me kapëse rripi. Kjo ju mundëson ta monitoroni foshnjën kur jeni duke lëvizur rrotull.

**Shënim:** Ekрани tani kthehet përmbys, çka ju lejon ta shikoni foshnjën në ekran thjesht duke ngritur njësinë e prindit.


## Pastrimi dhe mirëmbajtja




**Paralajmërim:** Mos e futni njësinë e prindit, njësinë e foshnjës dhe ushqyesit në ujë dhe mos i pastroni në rubinet.



**Paralajmërim:** Mos përdorni substanca pastrimi me spërkatje ose lëngje.




**1** Fikeni njësinë e foshnjës, hiqeni ushqyesin nga njësia e foshnjës dhe hiqeni ushqyesin nga priza.




- 2 Pastrojeni njësinë e foshnjës me një leckë të thatë.


Shënim: Gjurmët e gishtave apo papastërtitë në objektivin e njësisë së foshnjës mund të ndikojnë në cilësinë e figurës së kamerës. Shmangeni preken e objektivit me gishta.



- 3 Fikeni njësinë e prindit, hiqeni ushqyesin nga njësia e prindit dhe hiqeni ushqyesin nga priza.



- 4 Pastrojeni njësinë e prindit me një leckë të thatë.



- 5 Pastrojini ushqyesit me një leckë të thatë.

## Vendruajtja

Kur të mos jeni duke e përdorur monitorin e foshnjës për kohë të gjatë, mbajini njësinë e prindit, njësinë e foshnjës dhe ushqyesit në një vend të freskët e të thatë.

## Porositja e aksesorëve

Për të blerë aksesorë ose pjesë rezervë, vizitoni faqen [www.philips.com/parts-and-accessories](http://www.philips.com/parts-and-accessories) ose shkoni te shitësi i "Philips". Gjithashtu mund të kontaktoni me pikën e shërbimit të klientit të "Philips" në vendin tuaj (shihni fletëpalosjen ndërkombëtare të garancisë për të dhënat e kontaktit).

# Riciklimi



Ky simbol do të thotë që produktet elektrike dhe bateritë nuk duhet të hidhen me mbeturinat normale të shtëpisë.

Zbatoni rregulloret e shtetit tuaj për grumbullimin e veçuar të produkteve elektrike dhe baterive.

## Informacione mjedisore

Janë hequr të gjitha paketimet e panevojshme. Kemi provuar ta bëjmë paketimin më të lehtë për t'u ndarë në dy materiale: karton (kuti dhe polietilen (qese, fletë mbrojtëse prej sfungjeri).

Sistemi përbëhet nga materiale që mund të riciklohen dhe të ripërdoren nëse zberthehen nga kompani të specializuara. Ndiqni rregulloret vendase në lidhje me hedhjen e materialeve të paketimit, baterive të shteruara dhe pajisjeve të vjetruara.

## Hiqeni baterinë e integruar

Bateria e karikueshme e integruar duhet të hiqet vetëm nga një profesionist i kualifikuar kur pajisja hidhet. Përpara se të hiqni baterinë, sigurohuni që pajisja të jetë hequr nga priza dhe që bateria të jetë plotësisht e shkarkuar.

**Shënim:** Merrni masat e nevojshme paraprake kur përdorni veglat për të hapur pajisjen dhe kur hidhni baterinë e rikarikueshme.

**Shënim:** Kur punoni me bateritë, sigurohuni që t'i keni të thata duart, produktin dhe bateritë.

**Shënim:** Për të shmangur lidhjen e shkurtër të baterive pas heqjes, mos i lini kontaktet e tyre të takojnë sende metalike (p.sh. monedha, karfica, unaza). Mos i mbështillni bateritë me fletë alumini. Vendosjuni ngjitëse kontakteve të baterisë ose vëriini bateritë në qese plastike përpara se t'i hidhni.

Procesi:

- 1 Hiqni 2 këmbët e gomës në fund të njësisë së prindit.
- 2 Hiqni 2 vidat që duken tani në fund të njësisë së prindit.
- 3 Vendoseni antenën në pozicion për lart dhe hiqni vidën në kasën e pasme që duket tani.
- 4 hiqeni kasën e pasme nga kasa e parme duke futur një kaçavidë mes tyre. Për variantet e reja të prodhuara pas gushtit 2020\*, ka edhe 2 vida të tjera poshtë etiketës së vlerave nominale. Hiqeni etiketën e vlerave nominale, hiqni vidat, lironi kapësen e rripit dhe rrëshqiteni duke e hapur derën e folesë.
- 5 Shkëputni kabllon lidhëse të baterisë (kabloja e zezë-bardhë-kuqe).
- 6 Hiqni 4 vidat nga mbajtësja e baterisë. Nuk ka vida për variantet e reja të prodhuara pas gushtit 2020.
- 7 Hiqni baterinë.

\* Kodi i datës së prodhimit DDMMYY ndodhet poshtë kapëses së rripit, mbi 2 këmbët e gomës.

Nëse nuk ka sistem grumbullimi/riciklimi për produktet elektronike në vendin tuaj, mund ta mbron mjedisin duke i hequr e ricikluar bateritë përpara hedhjes së produktit.

Sigurohuni që produkti të jetë shkëputur nga kutia e karikimit përpara heqjes së baterisë.

# Mbështetja

Për të gjithë mbështetjen mbi produktin, vizitoni [www.philips.com/support](http://www.philips.com/support).

## Pyetjet e shpeshta

Ky kapitull përmbledh problemet më të shpeshta që mund të hasni me pajisjen. Nëse nuk keni mundësi ta zgjidhni problemin me informacionin e mëposhtëm, vizitoni [www.philips.com/support](http://www.philips.com/support) për një listë të pyetjeve të shpeshta ose kontaktoni me qendrën e shërbimit të klientit për shtetin tuaj.

### SI TË PËRDOREN/LIDHEN NJËSITË

Pyetje	Përgjigje
Përse nuk ndizet drita e ndezjes në njësinë e foshnjës kur e ndez njësinë?	Mbase njësia e foshnjës nuk është e futur në prizë. Futeni njësinë e foshnjës në prizë. Në vijim kalojeni çelësin e ndezjes/fikjes së njësisë së foshnjës për lart në pozicionin "ON" për të krijuar lidhjen me njësinë e prindit.
Përse nuk karikohet njësia e prindit kur e fus në prizë?	Mbase ushqyesi nuk është futur siç duhet. Sigurohuni që ushqyesi të jetë futur siç duhet në prizë.  Njësia e prindit mund të jetë plotësisht e karikuar. Drita e statusit të baterisë do të jetë e gjelbër kur bateria të jetë plotësisht e karikuar dhe pajisja e futur në prizë.
Përse nuk karikohet njësia e foshnjës kur e fus në prizë?	Njësia e foshnjës nuk ka funksion karikimi. Njësia e foshnjës punon vetëm duke e futur në prizë.
Përse nuk krijoh dot lidhje? Përse bie herë pas here lidhja? Përse ka ndërprerje të zërit?	Njësia e foshnjës dhe njësia e prindit mbase janë shumë pranë limiteve maksimale të rrezes së funksionimit ose ka interferencë nga pajisje të tjera me valë 2.4 GHz. Provoni një pikë tjetër, rrisni distancën mes njërive ose fikini pajisjet e tjera me valë 2.4 GHz (laptopë, celularë, mikrovalë etj.). Mund të duhen deri në 10 sekonda para se të rikrijohet lidhja mes njërive.  Nëse sinjali humbet, atëherë njësia e prindit do të lëshojë një tingull (3 tinguj të shpejtë çdo 20 sekonda).  Njësia e foshnjës dhe e prindit mund të jenë shumë pranë njëra-tjetrës, mbajini të paktën 1.5 metra/ 5 ft larg njëra-tjetrës për të parandaluar interferencën.
Çfarë ndodh në rast se ikin dritat?	Duke qenë se njësia e prindit punon me bateri të karikueshme, njësia vazhdon të punojë nëse bateria ka karikim të mjaftueshëm. Por, njësia e foshnjës pushon së punuar pasi nuk ka bateri të karikueshme dhe punon vetëm me korrent nga priza. Njësia e prindit do të vazhdojë të lëshojë tinguj karakteristikë për të treguar se ka rënë lidhja me njësinë e foshnjës. Në rast të ndërprerjes së rrejtë kryesor elektrik, mund të lidhni njësinë e foshnjës përkohësisht me një ushqyes rezervë karikimi. Kur të rivijnë dritat, lidhja mes njësisë së prindit dhe njësisë së foshnjës krijohet automatikisht.

## SI TË PËRDOREN/LIDHEN NJËSITË

---

Përse i tejkalon 3 orët koha e karikimit e njësisë së prindit?

Njësia e prindit mund të ndizet gjatë karikimit. Fikeni njësinë e prindit gjatë karikimit për të shkurtuar kohën e karikimit. Nëse ekrani i njësisë së prindit është gjithnjë ndezur, karikimi i njësisë së prindit do të marrë më shumë kohë.

---

Mbase temperatura ka kaluar tolerancën e karikimit që mund të shkëpusë me gjasë qarkun e karikimit si mekanizëm sigurie. Për të rinisur karikimin, largojeni njësinë e karikimit nga burimet e nxehtësisë si p.sh. radiatorë, rezistenca, soba apo aparate të tjera (duke përfshirë amplifikatorët) që lëshojnë nxehtësi.

---

Përse më duhet ta mbaj njësinë e foshnjës dhe kordonin e saj të paktën 1 metër / 3.5 ft larg foshnjës?

Për të shmangur mbytjen e foshnjës me kordon dhe për pikasje optimale të zërit, vendoseni gjithnjë njësinë e foshnjës dhe kordonin e saj të paktën 1 metër / 3.5 ft larg foshnjës.

---

Cila është diferenca midis modaliteteve të ndryshme të përdorimit në njësinë e prindit: "Video", "Audio", "VOX" dhe "ECO"?

Shihni më poshtë për një shpjegim të modaliteteve të ofruara në monitorin e foshnjës.

---

\* Modaliteti "Video": ekrani dhe zëri i njësisë së prindit janë gjithmonë aktivë.

---

\* Modaliteti "Audio": do të aktivizohet vetëm audioja. Ekrani i njësisë së prindit fiket kur aktivizohet modaliteti AUDIO. Drita e lidhjes tregon se njësia e prindit është ende e ndezur dhe e lidhur me njësinë e foshnjës. Dritat e nivelit të zërit mbi ekran ndizen në ngjyrë të gjelbër kur dëgjohet zë nga njësia e foshnjës. Komunikimi normal me njësinë e foshnjës është i mundur përmes butonave të dhënies, ninullave, menysë dhe të ndjeshmërisë.

---

\* Modaliteti "VOX": Ekrani dhe zëri i njësisë së prindit fiket nëse nuk diktohet asnjë zë për 20 sekonda (ose nëse nuk diktohet zë i mjaftueshëm mbi cilësimin e ndjeshmërisë). Edhe ekrani, edhe zëri aktivizohen menjëherë kur ju qan foshnja dhe tejkalohej pragu i ndjeshmërisë. Kur zëri bie poshtë pragut të zërit, videoja qëndron aktive për 20 sekonda. Kur shtypet njëri prej butonave të komandimit (ndriçimi ose volumi), pajisja shfaq video për afro 5 sekonda. Gjithashtu mund të hapet menya e ninullave.

---

\* Modaliteti "ECO": Ekrani dhe zëri i njësisë së prindit fiket nëse nuk diktohet zë për 20 sekonda. Modaliteti Eco ul konsumin e energjisë në çastet e qetësisë duke ju mbajtur gjithsesi të lidhur me foshnjën. Në modalitetin ECO llamba ECO është e gjelbër dhe pajisja punon në tjetër mënyrë lidhjeje. Në modalitetin ECO njësia e prindit përdor një mekanizëm ngacmimi çdo 2 sekonda të njësisë së foshnjës në vend të lidhjes së vazhduar me radiofrekuencë. Ndaj dhe njësia e foshnjës konsumon gjithashtu më pak energji në modalitetin ECO.

---

## SI TË PËRDOREN/LIDHEN NJËSITË

---

Si mund ta resetoj njësinë e prindit? Njësinë e prindit mund ta resetoni duke shtypur njëherësh "butonin e ndezjes/fikjes" dhe "butonin e rrumbullakët të shfletimit poshtë" përpara njësisë së prindit për rreth 1 sekondë. Njësia e prindit fiket. Për ta rindezur njësinë e prindit, shtypni "butonin e ndezjes/fikjes". Informacionet specifike të përdoruesit të ruajtura në memorien e njësisë së prindit, si p.sh. modaliteti i përdorimit, cilësimet e ndriçimit, volumi, zgjedhja e ninullave, zgjedhja e zmadhimit dhe cilësimet e dridhjes, nuk humbasin.

---

## TREGUESIT NË NJËSINË E PRINDIT

---

### Pyetje

### Përgjigje

Llamba e baterisë në njësinë e prindit bëhet e kuqe. Çfarë duhet të bëj?

Ka rënë energjia e baterisë. Nëse nuk e futni në prizë njësinë e prindit kur drita LED e baterisë bëhet e kuqe dhe fillon të lëshojë tingull, njësia do të ndalojë së funksionuari për rreth 60 minuta.

---

Kalojeni në ndriçim dhe/ose volum më të ulët për të kursyer në konsumin e baterisë dhe futeni në prizë njësinë e prindit nëpërmjet ushqyesit. (shihni kapitullin "Përgatitja për përdorim").

---

Përse tingëllon njësia e prindit?

Monitori i foshnjës tingëllon në mënyrë të caktuar për t'ju treguar se ku qëndron problemi.

---

1 tingull: njësia e prindit është e fikur.

---

1 tingull, çdo 20 sekonda për 3 minutat e para, pas kësaj, çdo minutë: niveli i baterisë së njësisë së prindit është i ulët.

---

2 tinguj të shpejtë çdo 20 sekonda: temperatura e dhomës së foshnjës është jashtë diapazonit të përcaktuar nga përdoruesi, ikona e temperaturës shfaqet në ekranin e njësisë së prindit.

---

3 tinguj të shpejtë çdo 20 sekonda: lidhja mes njësisë së prindit dhe të foshnjës është shkëputur, ikona e lidhjes shfaqet në ekranin e njësisë së prindit dhe butoni i lidhjes është i kuq.

---

Çfarë kuptimi ka ngjyra e llambës së baterisë (e gjelbër, portokalli, e kuqe) apo mosndezja e llambës për gjendjen e baterisë?

Kur njësia e prindit është e futur në prizë, ngjyrat e llambës së baterisë tregojnë:

- \* E gjelbër: bateria është plot.
  - \* Portokalli: bateria po karikohet.
- 

Kur njësia e prindit nuk është e futur në prizë, ngjyrat e llambës së baterisë tregojnë:

- \* E kuqe: bateria është pothuajse e shkarkuar (<10 %).
  - \* Drita LED nuk ndizet: njësia e prindit nuk është futur në prizë.
-

## ZHURMA/ZËRI

### Pyetje

### Përgjigje

Përse njësia e prindit dhe/ose e foshnjës lëshojnë zhurmë me frekuencë të lartë?

Njësia e prindit dhe e foshnjës mund të jenë shumë pranë njëra-tjetrës. Sigurohuni që njësia e prindit dhe e foshnjës të jenë të paktën 2.5 metra / 8.2 ft larg njëra-tjetrës.

Volumi i njësisë së prindit mund të jetë caktuar shumë lart. Ulni volumin në njësinë e prindit.

Për shkaqet e tingullit karakteristik nga njësia e prindit, shihni pyetjet e shpeshta: "Përse tingëllon njësia e prindit?"

Si mund ta hesht zërin?

Pajisjen e heshtni duke shtypur pjesën e poshtme të butonit të komandimit. Kur shiriti i volumit në ekran është tërësisht bosh, volumi është në heshtje.

Pse nuk dëgjoj zë? Pse nuk i dëgjoj të qarat e foshnjës? Pse dëgjoj vetëm transmetim të pjesshëm të zërit dhe zë të plotë?

Volumi i njësisë së prindit mund të jetë caktuar shumë ulët ose mund të jetë fikur. Shtypni pjesën e sipërme të butonit të komandimit për të rritur volumin.

Mbase njësia e prindit është heshtur, çeshteni pajisjen duke shtypur pjesën e sipërme të butonit të komandimit dhe rregulloni volumin.

Ndjeshmëria është caktuar shumë ulët, rregullojeni ndjeshmërinë e njësisë së prindit në një nivel më të lartë.

Njësia e foshnjës mund të jetë shumë larg foshnjës. Për pikasje optimale të zërit, sigurohuni që njësia e foshnjës të mos jetë më larg se 1.5 metra / 5 ft nga foshnja. Nëse është më pranë se 1 metër / 3.5 ft rritet rreziku i mbytjes me kordon.

Përse reagon kaq shpejt njësia e prindit ndaj zërave të tjerë jo të foshnjës?

Njësia e foshnjës kap dhe zëra të ndryshëm nga ato të foshnjës. Zhvendoseni njësinë e foshnjës më pranë foshnjës (por mbani distancën minimale prej 1 metri / 3,5 këmbë).

Niveli i ndjeshmërisë mund të jetë caktuar gjithashtu shumë lart. Kur fëmija lëshon tinguj të lehtë, ndjeshmëria duhet caktuar më lart. Por, sa më lart dëgjohet foshnja, aq më ulët mund ta caktoni ndjeshmërinë. Ndjeshmërinë e monitorit të foshnjës mund ta ndryshoni në menyën e njësisë së prindit.

Përse lëshon një gumëzhimë njësia e prindit?

Mund të ketë interferenca nëse njësia e prindit është jashtë rrezes së njësisë së foshnjës. Interferenca mund të ketë edhe nëse keni shumë mure apo tavane mes njësisë së prindit dhe të foshnjës, ose nëse ka pajisje të tjera të ndezura me valë 2.4 GHz (p.sh. mikrovalë, rrugëzues Wi-Fi).

Vendoseni njësinë e prindit diku tjetër, më pranë njësisë së foshnjës, ose fikni pajisjet e tjera me valë.

Nëse kjo përgjigje nuk ju ndihmon, kontrolloni pyetjen tjetër të shpeshtë "Përse njësia e prindit dhe/ose e foshnjës lëshojnë zhurmë me frekuencë të lartë?"



## ZHURMA/ZËRI

---

Për sa kohë luhet ninulla në njësinë e foshnjës?

Pas zgjedhjes së një ninulle, ajo përsëritet vazhdimisht për afro 15 minuta. Në rast se doni t'i luani të gjitha këngët e ofruara, zgjidhni opsionin e fundit në listën e ninullave.

---

Si mund ta rris volumin e ninullës?

Volumin e ninullës mund ta rregulloni në njësinë e prindit, por jo në njësinë e foshnjës. Shtypni butonin e ninullës në njësinë e prindit për të hapur menunë e ninullave dhe rregulloni volumin.

---

## KOHA/RREZJA E FUNKSIONIMIT

---

### Pyetje

### Përgjigje

---

Përse monitori i foshnjës punon vetëm në distancë shumë më të shkurtër se sa specifikon ky manual?

Rrezja e specifikuar e funksionimit prej 300 metrash / 985 ft është e vlefshme vetëm në ambient të hapur dhe në vijë të lirë shikimi. Në varësi të rrethinave dhe të faktorëve të tjerë pengues, rrezja e funksionimit mund të jetë më e shkurtër (shihni edhe tabelën në kapitullin e pozicionimit të njësisë së prindit dhe të foshnjës).

---

Brenda shtëpisë suaj, rrezja e funksionimit është deri në 50 metra / 165 ft, që është dhe e kufizuar nga lloji i mureve dhe/ose tavaneve mes njësisë së prindit dhe të foshnjës.

---

Koha e funksionimit e njësisë së prindit parashikohet në deri në 10 orë. Përse është më e shkurtër koha e funksionimit të njësisë sime të prindit?

Ndriçimi i videos i njësisë së prindit mund të jetë lënë shumë lart, gjë që sjell konsum më të lartë të energjisë në njësinë e prindit. Ulani ndriçimin në njësinë e prindit.

---

Njësia e prindit konsumon shumë energji kur ekrani i videos qëndron vazhdimisht ndezur. Aktivizoni modalitetin AUDIO, VOX ose ECO në menunë e njësisë së prindit për të zgjedhur kohën e funksionimit (shihni kapitullin "Funksionet", pjesët "Modaliteti AUDIO", "Modaliteti VOX" ose "Modaliteti ECO").

---

Volumi i njësisë së prindit mund të jetë lënë shumë lart, gjë që sjell konsum më të lartë të energjisë në njësinë e prindit. Ulani volumin në njësinë e prindit.

---

Ashtu si me pajisje të tjera të karikueshme elektronike, kapaciteti i baterisë bie pas një përdorimi afatgjatë.

---

## EKRANI I VIDEOS

### Pyetje

### Përgjigje

Përse kam interferencë në njësinë e prindit? Përse dridhet ekranin e videos në njësinë e prindit?

Mund të ketë interferenca nëse njësia e prindit është jashtë rrezes së njësisë së foshnjës. Interferenca mund të ketë edhe nëse keni shumë mure apo tavane mes njësisë së prindit dhe të foshnjës, ose nëse ka pajisje të tjera të ndezura me valë 2.4 GHz (p.sh. mikrovalë, rrugëzues Wi-Fi).

Mbase keni më shumë se 2 palë monitorë foshnje dhe në këto raste mund të ketë interferencë. Mbajini këto 2 njësi foshnje larg njëra tjetrës, në kushte ideale në dy dhoma të ndryshme.

Vendoseni njësinë e prindit diku tjetër, më pranë njësisë së foshnjës, ose fikni pajisjet e tjera me valë.

Bateria e karikueshme e njësisë së prindit mbase ka nevojë të karikohet.

Përse nuk kam figurë në ekranin e videos kur drita e lidhjes është e gjelbër?

Njësia e prindit mund të jetë në modalitetin AUDIO, VOX ose ECO. Shtypni butonin e modalitetit në anën e djathtë të njësisë së prindit për të ndërruar modalitetin (shihni "Modalitetet").

Përse nuk është e qartë figura në ekranin e videos?

Ndriçimi i ekranit mund të jetë caktuar shumë ulët. Rritni ndriçimin e ekranit të njësisë së prindit duke përdorur butonin e komandimit në mes (shihni "Ndriçimi").

Mbase është ndotur objektivi i njësisë së foshnjës. Pastrojeni objektivin me një leckë të thatë.

Njësia e foshnjës mund të jetë shumë larg foshnjës. Për cilësi optimale të videos, sigurohuni që njësia e foshnjës të mos jetë më larg se 1.5 metra / 5 ft nga foshnja. Nëse është më pranë se 1 metër / 3.5 ft rritet rreziku i mbytjes me kordon.

## Informacion i përgjithshëm

Bateri e rikarikueshme Li-ion (2600 mAh)

Brezi i frekuencave FHSS 2.4 GHz.

Fuqija maksimale e radiofrekuencës:  $\leq 20$  dBm

Njësia e ushqimit:

Modeli: ASSA105E-050100 (spinë për BE) / ASSA105B-050100 (spinë për Britani)

Hyrja: 100-240 V~ 50/60 Hz 0,35 A

Modeli: PSAC05E-050L6 (spinë për BE) / PSAC05K-050L6 (spinë për Britani)

Hyrja: 100-240 V~ 50/60 Hz 0,2 A

Dalja: 5,0 V  $\equiv$  1,0 A, 5,0 W

Efikasiteti mesatar aktiv:  $\geq 73,62$  %

Konsumi i energjisë pa ngarkesë (W): 0,1 W

## Montimi në mur

Printimi i udhëzimeve:

Printojeni këtë faqe në shkallë 100 % dhe përdoreni shabllonin për të shënuar me përpikëri pozicionin e vrimave për vidat në mur.

